



Il fevrer ha Dodo visitau la Scola Sedrun e cantau in miez di culs affons.



Naturalmein ha el era priu peda per dar autograms.

FOTOS MAD

## Dodo conta culs affons tuatschins

Tgi enonuscha buc il hit «hippi-bus»? Igl ei ina canzun dil cantadur da reggae svizzer Dodo. Il fevrer ha quel visitau la scola Sedrun. Ensemen cun 100 scolaras e scolars ha el exercitau treis da sias canzuns. Ils affons astgan numnadamein sustener Dodo durant sù concert dils 19 da mars allas 14.00 sil pass dall'Alpsu. Dodo ei il guardian actual dalla tuor cotschna e tarmetta cun sia musica signals naven dalla regiun dalla Tgina dil Rein viado el mund. (fmr/sr)

Pagina 4

## Dodo conta cun tschien affons da Tujetsch

Dumengia, ils 19 da mars 2023 concertescha Dodo – il cantadur da reggae svizzer – sper la tuor da signals sil pass dall'Alpsu. Treis da sias canzuns conta il guardian dalla tuor ensemen cun 100 affons dalla scola primara a Sedrun.

SUSI ROTHMUND/FMR

Gia dapi diesch onns croda la tuor da signals cotschna sil pass dall'Alpsu sin 2046 m s.m. en egl. Dapi entgin temps ei il num «Dodo» d'anflar sin quella ed el annunzia il concert dils 19 da mars 2023 allas 14.00. Ils 25 d'uost digl onn vargau ei *Dodo* – ch'ei enonuschents per hits sco «hippi-bus» - numnadamein vegnius installaus en sù uffeci da guardian d'honor dalla tuor da signals. La fundaziun «Leuchtturm Rheinquelle» elegia gia dapi il 2016 personalitads extraordinarias ord igl intsches dil Rein sco guardians d'honor dalla tuor. Il 2019 era quei per exempel il moderatur *Nik Hartmann* ed il 2020 ha la cantadura *Sina* giu l'honor. La dumengia da s. Giusev vegn Dodo, il cantadur

vegn a cuzzar rodund in'ura e po vegnir visitaus senza pagar entrada.

### In meins sil pass dall'Alpsu

Dodo enonuscha bein il pass dall'Alpsu. Igl october 2020 ha el numnadamein passentau sil pass en sù container da musica. L'aura era schliatta, ei haveva perfin dau neiv e Dodo e sù team han giu da far frunt a quell'aura criua. Dodo ha denton era seschau inspirar dalla natira e ha cumponiu melodias, scret texts ed oravontut registrau canzuns per sù niev album «Pass». La melodia dall'emprema canzun «Odyssee» entscheiva cun tuns mistics. «Quella melodia hai jeu udiu in di da tschaghera si

cheu sill'Alpsu», ha Dodo declarau a caschun da sia installaziun sco guardian ed aschuntau che l'inspiraziun per la melodia seigi sco vegni-da ord la nebla. Il temps sil pass Alpsu seigi staus impressiunonts ed inspironts. Ei hagian registrau ina gronda part dallas canzuns leu ed adina saviu mirar silla tuor da signal. El mavi entuorn quella e studegiavi co ins possi ir sil balcon. «Igl ei ina gronda honor per mei dad esser guardian da quella tuor da signal.»

Ils 19 da mars 2023, allas 14.00 concertescha Dodo sil pass dall'Alpsu. Tier treis canzuns vegn el accumpignaus dil chor da 100 affons dalla scola Sedrun.

dumengia da s. Giusep vegn Dodo, il cantadur da reggae svizzer e producent da musica, a concertar sper e sin la tuor da signals. Tier treis da sias canzuns vegn el accompignaus da scolaras e scolars dalla scola Sedrun.

### Viseta en scola

Igl uost steva Dodo cuort avon partir cun siu container da musica per enzacons meins ell' Africa. Lezza ga haveva el empermess da turnar il mars sil pass dall'Alpsu per dar in ulteriur concert. Sco la fundaziun «Leuchtturm Rheinquelle» scriva en in communicau als mieds da massa, tegn el ussa sia empermischun. In'emprema viseta ha el gia fatg avon las vacanzas da sport ella scola a Sedrun. In entir avonmiezdi ha Dodo cantau culs affons ella sala da scola veglia ed exercitau co sepresentar al concert. Ils affons exerciteschan denton gia dapi meins cun lur scolastas e scolasts da musica enzacontas canzuns da Dodo. Cun quella caschun ein ils shirts cotschens da Dodo vegni reparti. Sper la tuor da signals cotschna vegn la truppa a far ina biala pareta cun quels shirts. Gl'entir concert



Mintga affon ha survegniu in shirt da Dodo pil concert sil pass dall'Alpsu.